

>> UM dan UPM berjaya meningkatkan reputasi pendidikan tinggi negara apabila berjaya menempatkan diri dalam kelompok 50 universiti terbaik Asia

Reputasi cemerlang Universiti Awam



Sabri Ahmad

Universiti Islam Antarabangsa Malaysia (UIAM) (151-160) ke tangga 151 dan Universiti Teknologi MARA (UITM) (201-250) ke kedudukan 181.

Pada penarafan kali ini, IPTS yang memparmerkan peningkatan amat membanggakan ialah Universiti Teknologi Petronas (UTP) yang tergolong dalam kelompok 151-160 di Asia pada 2015, naik ke tangga 127, diikuti oleh Universiti Taylor dan Universiti Multimedia (MMU) yang berada dalam kelompok (201-250), masing-masing naik ke kedudukan 179 dan 193.

Peningkatan itu membuktikan IPTS amat menitik berat mengenai kualiti dalam pelbagai aspek untuk meletakkan mereka sebagai pusat pengajian tinggi yang disegani, bukan sahaja di negara ini tetapi juga di peringkat antarabangsa.

Peranan IPTS tidak boleh dikesampingkan kerana mereka turut menjadi watak penting dalam industri pengajian tinggi di negara ini. Sumbangan mereka sangat diperlukan dalam membantu menjadikan Malaysia sebagai pusat kecermerlangan akademik di rantau sebelah sini dan merealisasi hasrat kerajaan untuk meningkatkan bilangan pelajar antarabangsa kepada 200,000 menjelang 2020.

Pada masa ini beberapa UA di Malaysia berada pada kedudukan yang lebih baik di peringkat dunia berbanding universiti di negara maju. Usaha perlu dipertingkatkan lagi bagi menjadikan universiti di Malaysia berada sekurang-kurangnya dalam kelompok 50 universiti terbaik dunia.

Berdasarkan kepada penarafan yang dikeluarkan QS World University Ranking 2015/2016, UM berada pada kedudukan 146 dunia, mengatasi universiti seperti Liverpool (151), Reading (156), Bath (159), New Castle (162), Loughborough (228), Surrey (247) dan Strachlyde (249) di United Kingdom. Selain itu, dalam kalangan universiti di Amerika Syarikat, Michigan State berada di tangga ke 164 dunia, Virginia (172) dan Illinois Chicago (185).

Sementara di Australia pula, Universiti Teknologi Queensland berada di kedudukan 263, Royal Melbourne Institute of Technology (RMIT) (273) dan Curtin (284). Malahan, USM (289) dan UTM (303) berada pada kedudukan yang lebih baik berbanding Iowa (312) dan Washington State (361), di Amerika Syarikat, Heriot-Watt

(318), Brunnel (331) dan Kent (360) di United Kingdom.

Bagi kategori 50 universiti terbaik dunia yang berusia bawah 50 tahun, USM menduduki tangga ke 26, UTM (30), UKM (32) dan UPM (38). Kedudukan empat UA itu mengatasi Brunnel (39) dan Bradford (91-100) di United Kingdom, selain La Trobe (51-60), Canberra dan Murdoch di Australia yang masing-masing berada dalam kelompok 91-100 dunia.

Di samping itu, penarafan mengikut subjek yang dikeluarkan oleh QS World Ranking 2016 menunjukkan UA di negara ini berada pada kedudukan lebih baik berbanding beberapa universiti di negara maju. Tiga subjek UA menduduki kelompok 50 teratas dunia dan 13 lagi tersenara dalam 100 terbaik dunia. Penarafan itu menunjukkan mutu pengajian tinggi di negara ini berada pada tahap tinggi.

Hakikatnya, penarafan yang dilakukan QS World University Ranking diguna pakai oleh hampir semua universiti di dunia dalam menentukan tanda aras masing-masing. Penarafan itu juga sering dijadikan rujukan oleh bakal pelajar dari luar negara yang ingin melanjutkan pengajian di universiti di negara ini.

Selain itu, laporan yang diterbitkan oleh British Council pada awal Mei lalu turut menguatkan lagi bahawa kualiti pengajian tinggi di negara ini setanding dengan negara maju. Laporan berkenaan yang merangkumi jaminan kualiti dan pengiktirafan kelayakan luar negara, menyatakan bahawa Malaysia dan Jerman adalah antara 26 negara yang dikaji dan dinamakan sebagai negara pencapaian terbaik berkaitan dengan pendidikan tinggi.

Dalam usaha memastikan kualiti pengajian tinggi mencapai standard yang ditetapkan, kerajaan menerusi Agensi Kelayakan Malaysia (MQA) memantau semua program yang ditawarkan oleh institusi pengajian tinggi mematuhi keperluan Kerangka Kelayakan Malaysia yang merupakan sumber rujukan dan panduan berkaitan program pendidikan tinggi yang diakreditkan dan dianugerahkan oleh pemberi pengajian tinggi sama ada dari dalam atau luar negara.

Penulis Penolong Pendaftar Kanan
Pejabat Hal Ehwal Korporat
Universiti Teknologi Malaysia

